



PARLAIMINT NA HEORPA: CUMHACHTAÍ

Dearbhaíonn Parlaimint na hEorpa a ról institiúideach i gceapadh na mbeartas san Eoraip trí fheidhmiú a cuid feidhmeanna éagsúla. Le rannpháirtíocht na Parlaiminte sa phróiseas reachtach, lena cumhachtaí buiséid agus rialaithe, lena rannpháirtíocht in athbhreithniú ar chonarthaí agus lena ceart idirghabháil a dhéanamh os comhair Chúirt Bhreithiúnais an Aontais Eorpaigh, cuirtear ar a cumas prionsabail dhaonlathacha a chaomhnú ar leibhéal Eorpach.

BUNÚS DLÍ

Airteagal 223 go hAirteagal 234 agus Airteagal 314 den Chonradh ar Fheidhmiú an Aontais Eorpaigh (CFAE).

CUSPÓIRÍ

Mar institiúid a dhéanann ionadaíocht ar shaoránaigh na hEorpa, is í an Pharlaimint bonn daonlathach an Aontais Eorpaigh. Má tá dlisteanacht dhaonlathach le bheith ag AE, caithfidh an Pharlaimint a bheith rannpháirteach go hiomlán i bpróiseas reachtach an Aontais agus grinnscrúdú polaitiúil a fheidhmiú ar na hinstitiúidí AE eile thar ceann an phobail.

CUMHACHTAÍ DE CHINEÁL REACHTACH AGUS CUMHACHTAÍ DAINGNIÚCHÁIN (1.2.4)

Ó tháinig an Ionstraim Eorpach Aonair (IEA) i bhfeidhm, tháinig na conarthaí uile maidir le haontachas agus comhlachas do Bhallstát nua faoi réir aontú na Parlaiminte. Leis an Ionstraim Eorpach Aonair (IEA), bunaíodh an nós imeachta seo freisin do chomhaontuithe idirnáisiúnta a mbeadh impleachtaí buiséadacha suntasacha acu don Chomhphobal (ag teacht in ionad an nós imeachta idir-réitigh a bunaíodh in 1975). Tugadh isteach le Conradh Maastricht é do chomhaontuithe lena mbunaítear creat institiúideach ar leith nó a chiallaíonn go bhfuil gá le modhnuithe ar ghníomh arna ghlacadh faoi nós imeachta na comhchinnteoireachta. Caithfidh an Pharlaimint a haontú a thabhairt freisin do ghníomhartha maidir leis an nós imeachta toghchánach (ó Chonradh Maastricht i leith). Ó tháinig Conradh Amstardam i bhfeidhm, tá gá lena haontú más mian leis an gComhairle dearbhú a dhéanamh go bhfuil riosca soiléir ann go ndéanfaidh Ballstát sárú tromchúiseach ar bhunphrionsabail an Aontais Eorpaigh, sula seoltar moltaí chuig an mBallstát sin nó sula bhforchuirtear pionóis air.



Os a choinne sin, tá gá le toiliú na Comhairle d'aon athbhreithniú ar Reacht Fheisirí Pharlaimint na hEorpa.

Ó tháinig Conradh Liospóin i bhfeidhm, is féidir leis an bParlaimint tús a chur le hathbhreithniú ar chonradh as a stuaim féin agus is aici atá an focal scoir maidir le cibé ar cheart nó nár cheart coinbhinsiún a chomóradh d'fhonn an conradh a leasú amach anseo (Airteagal 48(2) agus (3) den Chonradh ar an Aontas Eorpach (CAE)).

RANPHÁIRTÍOCHT SA PHRÓISEAS REACTACH (1.2.3)

Bíonn an Parlaimint rannpháirteach go leibhéal éagsúla i nglacadh reachtaíocht an Aontais, i gcomhréir leis an mbunús dlí aonair. Tá sí tagtha chun cinn ó ról comhairliúcháin amháin go comhchinnteoireacht ar chomhchéim leis an gComhairle.

A. An Gnáthnós Imeachta Reactach

Ó tháinig Conradh Nice i bhfeidhm (1.1.4), bhain nós imeachta na comhchinnteoireachta le 46 bunús dlí i gConradh CE. Leis seo, cuireadh an Parlaimint, i bprionsabal, ar chomhchéim leis an gComhairle. Má bhí comhaontú idir an dá institiúid, glacadh an gníomh ag an gcéad léamh nó ag an dara léamh; mura raibh comhaontú eatarthu, ní fhéadfaí é a ghlacadh ach tar éis idir-réiteach rathúil.

Le Conradh Liospóin (1.1.5), athainmníodh an nós imeachta comhchinnteoireachta mar an gnáthnós imeachta reactach (Airteagal 294 CFAE). Tar éis an chonartha sin, tháinig os cionn 40 beartas nua faoi réir an nós imeachta seo den chéad uair, mar shampla i réimsí na saoirse, slándála agus ceartais, na trádála seachtraí, an bheartais comhshaoil agus an Chomhbheartais Talmhaíochta (CBT).

B. Comhairliúchán

Tá feidhm fós ag an nós imeachta comhairliúcháin i réimsí a chumhdaítear in Airteagail 27, 41 agus 48 CAE agus cuirtear i bhfeidhm ar chánachas, iomaíochas, comhchuíbhiú reachtaíochta nach mbaineann leis an margadh inmheánach agus roinnt gnéithe den bheartas sóisialta é freisin.

C. Comhar (díothaithe)

Tugadh isteach an nós imeachta comhair (sean-Airteagal 252 CE) faoi IEA, agus faoi Chonradh Maastricht leathnaíodh é go formhór na réimsí reachtaíochta ina ngníomhaíonn an Chomhairle trí thiomlath. Leis an nós imeachta sin, cuireadh oibleagáid ar an gComhairle leasuithe ón bParlaimint arna nglacadh trí thiomlath glan agus arna nglacadh ar láimh ag an gCoimisiún a chur san áireamh ag an dara léamh. Le tabhairt isteach an nós imeachta, cuireadh tús le fíor-chumhacht reactach don Parlaimint ach cuireadh deireadh leis tar éis theacht i bhfeidhm Chonradh Liospóin (1.1.5).

D. Aontú

Tar éis Chonradh Maastricht, bhain nós imeachta an aontaithe leis an líon beag réimsí ina ngníomhaíonn an Chomhairle le cinneadh d'aontoil; ó Chonradh Amstardam, rinneadh é sin a theorannú do na Cistí Struchtúracha agus Comhtháthaithe.

Faoi Chonradh Liospóin, tagann roinnt forálacha nua faoin nós imeachta sin, ar a dtugtar 'nós imeachta an toilithe' anois, amhail Airteagail 7, 14, 17, 27, 48 agus 50 CAE,



Airteagail 19, 83, 86, 218, 223, 311 agus 312 CFAE agus bearta a bhíonn le glacadh ag an gComhairle nuair a mheastar go bhfuil gá le gníomh ón Aontas agus nach bhfuil na cumhachtaí is gá ar fáil sna Conarthaí chuige sin (Airteagal 352 CFAE).

E. An ceart tionscnaimh

Le Conradh Maastricht tugadh an ceart maidir le tionscnamh reachtach don Pharlaimint, ach bhí sé teoranta d'iarraidh ar an gCoimisiún togra a chur ar aghaidh. Coimeádadh an ceart sin i gConradh Liospóin (Airteagal 225 CFAE), agus mínítear ar bhealach níos mine é i gcomhaontú idirinstiúideach idir an Pharlaimint agus an Coimisiún.

CUMHACHTAÍ BUISÉADACHA (1.2.5)

Le Conradh Liospóin cuireadh deireadh leis an idirdhealú idir caiteachas éigeantach agus caiteachas neamhéigeantach agus cuireadh an Pharlaimint ar chomhchéim leis an gComhairle sa nós imeachta buiséadach bliantúil, atá cosúil leis an ngnáthnós imeachta reachtach anois.

Tá an Pharlaimint fós ar cheann den dá bhrainse den údarás buiséadach (Airteagal 314 CFAE). Bíonn sí rannpháirteach sa phróiseas buiséadach ón gcéim ullmhúcháin, go háirithe maidir leis na treoirlínte ginearálta agus an cineál caiteachais a leagann síos. Glacann sí an buiséad agus déanann sí faireachán ar a chur chun feidhme (Airteagal 318 CFAE). Tugann sí urscaoileadh maidir le cur chun feidhme an bhuiséid (Airteagal 319 CFAE).

Ar deireadh, caithfidh an Pharlaimint a toiliú a thabhairt chun go nglacfar an Creat Airgeadais Ilbhliantúil (CAI) (Airteagal 312 CFAE). Is é an CAI do 2014-2020 an chéad cheann a thagann faoi na rialacha a leagtar síos i CFAE.

GRINNSCRÚDÚ AR AN BHFEIDHMEANNAS

Tá roinnt cumhachtaí grinnscrúdaithe ag an bParlaimint. Go háirithe, déanann sí plé ar an tuarascáil bhliantúil ghinearálta (Airteagal 233 CFAE) arna tíolacadh chuici ón gCoimisiún agus, i dteannta leis an gComhairle, déanann sí maoirseacht ar ghníomhartha tarmligthe agus cur chun feidhme ón gCoimisiún (Airteagail 290 agus 291 CFAE).

A. Insealbhú an Choimisiúin

Thosaigh an Pharlaimint ag déanamh formheas neamhfhoirmiúil ar insealbhú an Choimisiúin in 1981 trína chlár a scrúdú agus a fhorghnó. Ach níorbh é gur tháinig Conradh Maastricht i bhfeidhm in 1992, áfach, go raibh gá le formheas na Parlaiminte sula bhféadfadh na Ballstáit Uachtarán agus Comhaltaí an Choimisiúin mar chomhlacht coláisteach a cheapadh. Le Conradh Amstardam tugadh cúrsaí ar aghaidh níos faide trí fhorghnó sonrach na Parlaiminte a bheith riachtanach do cheapadh Uachtarán an Choimisiúin, sula gceapfaí na Coimisinéirí eile. Thug an Pharlaimint isteach éisteachtaí na gCoimisinéirí ainmnithe freisin in 1994. I gcomhréir le Conradh Liospóin, caithfear an t-iarrthóir don phost mar Uachtarán ar an gCoimisiún a roghnú i gcomhréir le torthaí na dtoghchán Eorpach. Mar thoradh air sin, sa rún uaithi an 22 Samhain 2012 maidir le



toghcháin Pharlaimint na hEorpa in 2014^[1], ghlac d'áitigh an Pharlaimint ar na páirtithe polaitiúla Eorpacha iarrthóirí a ainmniú don phost mar Uachtarán ar an gCoimisiún, ionas go ndéanfaí dlísteacht pholaitiúil an dá institiúid a atreisiú. Ó 2014 i leith, tá nós imeachta a dtugtar nós imeachta an Spitzenkandidaten air i bhfeidhm. Faoin nós imeacht seo, roimh na toghcháin Eorpacha, ceapann na páirtithe polaitiúla Eorpacha príomhiarrthóirí do ról Uachtarán an Choimisiúin ([1.3.3](#)).

B. Tairiscint cáinte

Tá foráil ann do thairiscint cáinte (a dtugtar vóta mímhuiníne air freisin) i leith an Choimisiúin ó tháinig Conradh na Róimhe i bhfeidhm. Sa lá atá inniu ann, áirítear forálacha ginearálta maidir le ceart na Parlaiminte vótáil i dtaca le tairiscint cáinte i leith an Choimisiúin in Airteagal 17(8) CAE agus in Airteagal 234 CFAE. Le tairiscint den sórt sin, tá gá le tromlach de dhá thrian de na vótaí a chaitear ina leith agus an tromlach sin a bheith in ionannas le tromlach de na Feisirí a chomhdhéanann an Pharlaimint. Má éiríonn le vóta maidir le tairiscint cáinte an toradh a bhíonn leis ná éirí as an Choimisiún mar chomhlacht, lena n-áirítear Leas-Uachtarán an Choimisiúin / Ardionadaí an Aontais do Ghnóthaí Eachtracha agus don Bheartas Slándála i ndáil lena dhualgais / lena dualgais arna ndéanamh sa Choimisiún. Go dtí seo, rinne an Pharlaimint iarracht roinnt uaireanta na forálacha ábhartha an Chonartha agus na cinn a bhí ann roimhe sin chun fáil réidh le Coláiste Coimisiúin.

C. Ceisteanna Parlaiminteacha

Is féidir le Feisire ar bith ceisteanna i gcomhair freagra i scríbhinn a thíolacadh d'Uachtarán na Comhairle Eorpaí, don Chomhairle, don Choimisiún agus do Leas-Uachtarán an Choimisiúin / Ardionadaí an Aontais do Ghnóthaí Eachtracha agus don Bheartas Slándála. I gcomhréir le hAirteagal 230 CFAE, déanfaidh an Coimisiún freagra ó bhéal nó i scríbhinn a thabhairt ar cheisteanna a fhaigheann sé ón bParlaimint nó óna Feisirí, agus éisteoidh an Pharlaimint leis an gComhairle Eorpach agus le Comhairle an Aontais Eorpaigh i gcomhréir leis na coinníollacha arna leagan síos i Rialacha Nós Imeachta an Chomhairle Eorpaigh agus cinn Chomhairle an Aontais Eorpaigh.

Dá bhrí sin, déantar ceisteanna parlaiminteacha i bhfoirm ceisteanna i scríbhinn nó ó bhéal maille le nó gan díospóireacht agus ceisteanna do Thráth na gCeisteanna.

D. Coistí fiosrúcháin

De réir Airteagal 226 CFAE, tá sé de chumhacht ag an bParlaimint coiste fiosrúcháin sealadach a chur ar bun chun iniúchadh a dhéanamh ar líomhaintí maidir le sárú nó le drochriarachán i gcur chun feidhme dhlí an Aontais. Leis an airteagal céanna, foráiltear gurb í an Pharlaimint féin a chinnfidh na forálacha mionsonraithe lena rialaítear feidhmiú cheart fiosrúcháin Pharlaimint na hEorpa, ag gníomhú di trí bhíthin rialachán ar a tionscnamh féin tar éis di toiliú a fháil ón gComhairle agus ón gCoimisiún. Go dtí go nglacfar a leithéid de rialachán, feidhmítear an ceart chun fiosrúcháin i gcomhréir le comhaontú idirinstiúideach ó 1995 a ghabhann le Rialacha Nós Imeachta

[1] [IO C 419, 16.12.2015, lch. 185.](#)



na Parlaiminte mar iarscríbhinn^[2]. Tá sé curtha in iúl ag an bParlaimint go minic go bhfuil gá feabhas a chur ar an gcomarsáid agus ar an gcomhar idir na trí institiúid chun gur féidir léi a sainordú bunaithe ar Airteagal 226 CFAE a chomhlíonadh. In 2014, ghlac an Parlaimint rún reachtach i ndáil le togra le haghaidh rialachán maidir leis na forálacha mionsonraithe lena rialaítear feidhmiú cheart fiosrúcháin Parlaimint na hEorpa^[3]. Ach tá an chaibidlíocht idir na trí institiúid maidir leis an togra seasta i sáinn, áfach. Dá bhrí sin, in Aibreán 2019, ghlac an Parlaimint rún^[4] inar léirigh sí a heasaontas láidir le meon na Comhairle agus an Choimisiún, atá, tar éis níos mó na ceithre bliana de chruinnithe neamhfhoirmiúla, fós ag cur bac ar chruinniú foirmiúil chun réitigh fhéideartha ar na fadhbanna atá sainaitheanta a phlé. Sa rún uathí, measann an Parlaimint go bhfuil teipthe ar an gComhairle agus ar an gCoimisiún prionsabal an chomhair idirinstiúidigh a chomhlíonadh agus tugann sí cuireadh dóibh tús in athuir a chur leis an gcaibidlíocht leis an bParlaimint nuathofa.

E. Grinnscrúdú ar an gcomhbheartas eachtrach agus slándála

Tá an Parlaimint i dteideal go gcoinneofaí ar an eolas í sa réimse sin agus féadfaidh sí ceisteanna nó moltaí a dhíriú chuig an gComhairle. Caithfear dul i gcomhairle léi maidir leis na príomhghnéithe agus na roghanna bunúsacha a bhaineann leis an gcomhbheartas eachtrach agus slándála (CBES) (Airteagal 36 CAE). Le cur chun feidhme an chomhaontaithe idirinstiúideach maidir le smacht buiséadach, maidir le comhar i dtaca le hábhair bhuiséadacha agus maidir le bainistiú fóna airgeadais (2013/ C 373/01), tá feabhas tagtha freisin ar nósanna imeachta comhairliúcháin CBES a mhéid a bhaineann le gnéithe airgeadais. Cuirtear le tionchar na Parlaiminte trí chruthú ról nua Ardionadaí an Aontais do Ghnóthaí Eachtracha agus don Bheartas Slándála, mar go mbíonn an tArdionadaí mar Leas-Uachtarán ar an gCoimisiún freisin.

ACHOMHAIRC CHUIG AN GCÚIRT BHREITHIÚNAIS

Tá sé de cheart ag an bParlaimint imeachtaí a thionscnamh os comhair na Cúirte Breithiúnais i gcásanna ina sáraíonn institiúid eile an Conradh.

Tá sé de cheart aici idirghabháil a dhéanamh, i.e. tacaíocht a thabhairt do cheann de pháirtithe na n-imeachtaí, i gcásanna os comhair na Cúirte. I gcás cinniúnach, d'fhéidhmigh sí an ceart seo sa bhreithiúnas maidir le hIseaglúcóis (Cásanna 138 agus 139/79 an 29 Deireadh Fómhair 1980), áit ar dhearbhaigh an Chúirt go raibh rialachán ón gComhairle neamhbhailí mar gur sháraigh an Chomhairle a hoibleagáid dul i mbun comhairliúcháin leis an bParlaimint. I gcaingean a bhaineann le mainneachtain gníomhú (Airteagal 265 CFAE), féadfaidh an Parlaimint imeachtaí a thionscamh i gcoinne institiúide os comhair na Cúirte maidir le sárú ar an gConradh, mar a tharla

[2] Cinneadh 95/167/CE, Euratom, CEEG ó Parlaimint na hEorpa, ón gComhairle agus ón gCoimisiún an 19 Aibreán 1995 maidir leis na forálacha mionsonraithe lena rialaítear feidhmiú cheart fiosrúcháin Parlaimint na hEorpa, IO L 113, 19.5.1995, Ith. 1.

[3] Rún reachtach ó Parlaimint na hEorpa an 16 Aibreán 2014 maidir le togra le haghaidh Rialachán ó Parlaimint na hEorpa i ndáil leis na forálacha mionsonraithe lena rialaítear feidhmiú cheart fiosrúcháin Parlaimint na hEorpa agus lena n-aisghairtear Cinneadh 95/167/CE, Euratom, CEEG ó Parlaimint na hEorpa, ón gComhairle agus ón gCoimisiún, IO C 443, 22.12.2017, Ith. 39.

[4] Rún ó Parlaimint na hEorpa an 18 Aibreán 2019 maidir leis an gcaibidlíocht leis an gComhairle agus leis an gCoimisiún i ndáil le togra reachtach le haghaidh rialachán i ndáil le ceart fiosrúcháin Parlaimint na hEorpa, [P8_TA\(2019\)0440](#).



i gCás 13/83, inar rialaigh an Chúirt i gcoinne na Comhairle maidir le mainneachtain bearta a dhéanamh i leith an chomhbheartais iompair.

Le Conradh Amstardam, fuair an Pharlaimint an chumhacht caingean a thionscnamh chun gníomh ó institiúid eile a chur ar neamhní, ach chun críche a sainchearta féin a chosaint amháin. Ó tháinig Conradh Nice i bhfeidhm, ní gá don Pharlaimint a léiriú a thuilleadh go bhfuil leas ar leith aici san ábhar, agus dá réir is féidir léi anois imeachtaí a thionscnamh ar an mbealach céanna leis an gComhairle, leis an gCoimisiún agus leis na Ballstáit. Féadfaidh an Pharlaimint bheith ina páirtí cosanta i gcaingean i gcoinne gnímh arna ghlacadh faoi nós imeachta na comhchinnteoireachta nó nuair atá sé i gceist go mbeadh éifeachtaí dlí ag ceann dá ghníomhartha i dtaca le tríú páirtithe. Dá réir sin, dearbhaíonn Airteagal 263 CFAE rialuithe na Cúirte i gCásanna 320/81, 294/83 agus 70/88.

Ar deireadh, is féidir leis an bParlaimint tuairim a lorg roimh ré ón gCúirt Bhreithiúnais i dtaobh an bhfuil comhaontú idirnáisiúnta ag luí leis an gConradh (Airteagal 218 CFAE).

ACHAINÍOCHA (4.1.4)

Nuair a fheidhmíonn saoránaigh AE a gceart achainí, seolann siad a n-achainí chuig Uachtarán Pharlaimint na hEorpa (Airteagal 227 CFAE).

TIONSCNAMH EORPACH Ó NA SAORÁNAIGH (4.1.5)

Eagraíonn an Pharlaimint, faoi choimirce an Choiste um Achainíocha, éisteacht le daoine a thacaíonn le haon Tionscamh Eorpach ó na Saoránaigh a chláraítear go rathúil. An 17 Aibreán 2019, ghlac an Pharlaimint agus an Chomhairle go foirmiúil an Rialachán nua maidir Tionscnamh Eorpach ó na Saoránaigh^[5], atá fós le foilsiú go hoifigiúil. Beidh feidhm ag na rialacha nua ó 2020 ar aghaidh.

CEAPADH AN OMBUDSMAN

Foráiltear i gConradh Liospóin go dtoghann an Pharlaimint an tOmbudsman Eorpach (Airteagal 228 CFAE) ([1.3.16](#)).

Eeva Pavy
01/2020

[5] <https://data.consilium.europa.eu/doc/document/PE-92-2018-INIT/en/pdf>

